

Ersinngitsumik innarluutillit atugaat pitsanngorsarniarlugit innersuussutaasut qanoq piviusunngortinneqarsinnaaneri pillugu Inatsisartunut apeqquteqaat aallaavigalugu oqallisissiasatut siunnersuut.

(Inatsisartunut ilaasortaq Knud Kleemann, Atassut)

Akissuteqaat

(Peqqissutsimut inunnullu Innarluutilinnut Naalakkersuisoq)

Inatsisartunut ilaasortaq Knud Kleemann, Atassummeersoq, inuit ersinngitsumik innarluutillit atugaat pitsanngorsarniarlugit innersuussutaasut qanoq piviusunngortinneqarsinnaaneri pillugu oqallisissiasatut siunnersuuteqarneranut qutsavigaara.

Suliassa qarfimmi nukittorsaanerunissaq suliassa qarfiup immikkoortorta qarfiisa akornanni ata qatigiissaarillu arnerunissaq suli pisariaqartoq, siunnersuuteqartup ukkataraa.

Tarnikkut nappaatillit timikkullu nappaatillit inuiaqatigiinni naligiissumik akuersaarneqassasut, inuillu innarluutillit inuiaqatigiinni peqataatinneqarnerunissaannut aaqqiissuteqarnissaq immikkut sulissutigineqassasoq, naalakkersuisoqatigiit 2025-mi isumaqatigiissutaanni allassimavoq. Matumani politikikkut anguniakkat inunnut ersinngitsumik innarluutilinnut tunngasuni sulinermi qitiupput, pisariaqartitaammi takussaangitsuugajummata tapersersorneqarnissaat paasineqarnissaallu pingaaruteqarpoq.

Inuit ersinngitsumik innarluutillit atugaat pitsanngorsarniarlugit ilaatigut Tiliumit innersuussutaasut tamakkiisuunngitsumik piviusunngortinneqarsimasut, Naalakkersuisut maluginiarpaat. Inuit ersinngitsumik innarluutillit qasserpiaanerisa atukkatigullu qanorpiaq inissisimanerisa erseqqissarnerusinnaaqqullugu pitsaannerusumik aaqqiissuulluagaanerusumillu ilisimatusarfigineqarnerusariaqarput. Tamatuma saniatigut Peqqinnissaqarfimmut, kommuninut, ilinniartitaanermut suliffissaqartitsiniarnermullu tunngasutigut ata qatigiissaarillu arnerunissaq pisariaqarlunilu inersimasunut sullissinerup 25-liisimanngitsunuinnaq atuunnani 25-lereersimasunullu aamma atuunnissaa pingaaruteqarpoq.

Tusilartunit, kommunit inunnik innarluutilinnut sullissiviineersunit, Tiliumeersunit, Pissassarfimmeersunit allanillu matumani suliassa qarfimmut attuumassutilinneersunit peqataaffigineqartumik tusilartunik 2025-mi isumasioqatigiisitsisoqarpoq. Tusilartut attaveqatigiinnermut, tikikkuminartuunermut tapersersorneqarnermullu tunngasutigut ilungersuasartut isumasioqatigiinneranni paasinarsivoq. Tusilartut amerlasuut siussarissut tusilartut pillugit ilisimasakinnerannik pigiliutiinnakkaminnullu isumaqartarnerannik pissuteqartumik tunulliunneqartutut misigisimasartut isumasioqatigiinneranni erserluinnarpoq.

Tusilartut pisariaqartitaat tassaaginnarpoq, innarluuteqarnertik pillugu ersinngitsumik innarluutilippaat allat assigalugit paasineqarnerunissartik inuiaqatigiinnilu peqataatinneqarnerunissartik.

Inuttaasut ersinngitsumik innarluutillit inuiaqatigiinni akuutinneqarnerunissaat paasineqarnerunissaallu Naalakkersuisut sulissutigerusuppaat. Tamanna Naalakkersuisoqatigiit peqataatitsinissamik periarfissatigullu naligiisitsinissamik isumaqatigiissutiminni ukkataqarnerannut naapertuuttunik pisortat suliffiutaasa ikiuunnerunissaannut toqqissisimanarnerunissaannullu suliniutaasinnaasunik misissuinertaqarpoq.

Inunnut ersinngitsumik innarluutilinnut periarfissatigut, atukkatigut, peqataatitsinikkut nammieersinnaassutsikkullu assigiinngisitsisoqarunnaarnissaa sulissutigineqarnerusariaqartutut Naalakkersuisut ataatsimoorlutik nalilerpaat. Innersuussutaasut piviusunngortinneqarsinnaaqqullugit

tamanna kommunit, peqatigiiffiit, Tilioq allallu soqutigisaqaqatigiit qanimut suleqatiginerisigut pissaaq.

Naalakkersuisut matumani oqaaseqaatit tunngavigalugit inersuarmi oqalliseqataanissaminnut qilanaarput.